


Itimiyo ghenguno Baibel kilekithi

Kughou Alhou no thwokha kuchopu pulho sutsu keno



Yekipheu: Edward Hughes

Mijekutsu-u: Byron Unger; Lazarus

Pekikide kutsu-u: Vikashe Achumi

Shikithe kutsu-u: Bob Davies; Tammy S.

Kughakiche 60 dolo atughiu (1)

www.M1914.org

Bible for Children, PO Box 3, Winnipeg, MB R3C 2G1 Canada

License: Tsala tsaghi kaku hipau kuqu kidi shimokepu shi aye kaku hipauye oghola launo yephelu eno tsughu phelu nani.

Sumi


Sema

Khuno ni pulho kusu tsu-u kya? Baibel, Alhou Tsah no inahuu timi shiyeh jeli xughili pitsu ani. Khaghi abothu lono, timi atughiu pulho sutsu kelono timi tipau je Adam kutsu.




1

Alhouno ayeghi mukhu lono Adam kughulho phetsu. Kughou Alhouno akuxupu thuthu Adam nigipelo shesu tsu keno Adam ye lhoux shive. Eno Adam ye jukivi ghutu Eden ipikeulo auve.




2


Adam lhomiphi zuuno Alhou no jukivi yeghiqha pulho sutsu eno akumzapu jeli pesu nhachitoi tsu.




Akikithi lono Alhou no ato naghutoqo eno jukighilepu aqaqo, tsungu qhui keu xamunhuqo eno qhemughai keu suboqo, jukivi aghauqo eno akhi, akha kuloghiqo eno nhaquqo lhosutsu.




Alhou ye kuchouno thwokha kuchopu pulho sutsu.




Abothulono, Alhouno kiumu pulho sutsu miphi lono Alhou acheghi eno kutau ye kiumu acheghi moe. Timiqo eno a-a jeli momu thime jeli kiumu ache ghimoe. Kiumu acheghi moe.




Akuvu eno akuzu ghi kuha. Kunguu eno akhouu ghi kuha. Wove keu tsala eno thoghiu ghi ache ghimo. Abothu kuha keu Lhou likhi acheghi. Tileno Alhou no pulho kusu kumla huthu ve.



Abothu lono Alhou no atsutsu ngo ayeghi lhoe.




Ike ayeghiye
kughu kughalei eno
koghekugha kuhae.
Eno akuzu no
kuthokuzu
nhape ae.




Ikelo Alhou
no pi. "Akuvu
ipeghi velo".



Eno akuvu auve. Alhou no akuvu pesu Tsukuvu eno
akuzu pesu Tsukuzu kuvetsu. Tino atughiu tsala
kijiliu eno inaqhe shive.



Akiniu tsala lo, Alhouno atsutsu qholo azu akeqo a-a
lakhi lo hekutsuwo kumqoluve pe. Eno akuthuu tsala
lo Alhou no ishi pi, "Qhaikeu chhigha ipeghi velo pi".
Eno qhaikeu yeghi ipeghi ve.




Alhouno ayeghi pelo atsuni jeli asubo kumtsu ipeghi
pelo pi azatsu. Eno tishi ipeghi luve.
Tino akuthuu tsala kijiliu
eno inaqhe shive.



Tipathiu Alhou no tsukinhe, eno
aqhi, eno hesakha kumlapu shi
ayepuqo kutomo mlatsue. Eno
tino abidiu tsala kijiliu eno
inaqhe shive.




Azulo xu akeu
lhoxu kutomo eno
aghau qo Alhou
mulolo ae. Apunguu
tsala lo azulo lhoxu
kijeje eno kititiqo,
achishibo kupu kije
eno kitila ghaquq
lhosu tsue.



15

Alhou no azulo
akhaqo pelo azulo
chitoi chokive iqho
iqhi lupe eno aghau
jeliqo pelono ayeghi
shou, atsutsu
hokumxa lo yeiqho
yeiqi lupe. Tino
apunguu tsala kijiliu
ngo inaqhe shiluve.




16

Tipashelo, itaghi Alhou no pi, "Ayeghi pelo akuxu kua
lhoxu tikishi, tughashi, eno itikiche lhoxu pututa jeli
kumtsu ipeghe pelo". Eno tishiluve. Akuha akuloghi
eno lahi lazai ashukiqo, eno akhosa, itaghi tikishi,
eno itikiche jeliqo Alhou no lhoqi tsue. Tipau
tsalalo Alhou no akuxu kua lhoxu kumtsu lhosu tsu.
Eno tino akutsugho tsala kijiliu
eno inaqhe shive.




17

Akutsugho tsalalo Alhou no pakutau lakhi shitsue -
ighono ame kuapu. Timi ghenguno kuchopu kutope
qhuvetsu. Alulo timi ghenguno achuqhupu eno
tughashi timi qhe kepu qhivetsu. Eno
Alhou no pi, 'Ningu julho lono
timi mulapheni. Eno papelo
ayeghilo kumtsu shou
aye pepeni'.




18

IKEHU ALHOU NO
PAJULHO LONO TIMI
PULHOSUE. ALHOU
KIMIHI LONO PANO
TIMI PULHOSUE.



19

Alhou no Adam putsae.
"Aghutu lo akeu xathi
kumtsu nono chulu
nani. Ikemu akivi
eno alhokusa ithilupe
chekeu subo xathi
noye chukevilo. Tsala
nono ti chu aye noye
thini putsae".



20

Eno Apuh Alhou no ishi pi, "Timi pelo palikhi apekeu hiye aloni chemoe. Ino pakukuphu lakhi lhope tsuni". Ampeu Alhou no tughashi tikishi eno aghau kumtsu Adam lau saghi.



21

Adam no tipaqo kumtsu jekuve tsue. Adam ye ighono alokutsu shi aghini che muthae. Ikemu paghenguye kumghulu kepu kukuphu kuhae.



22

Alhou no Adam pelo zuheyivepe eno pano pa kuchughi lakhi ikhiphe luve puzu tipau pesu totimi lakhi Adam kusa shikepu lhophetsu.



23

Atsala tsugho dolono Alhou no kuchopu mulaqhive. Eno Alhou no tsala akutsuniu kumghatsue eno akulhokihi tsala shitsue. Eden Ghutulo Adam eno Eve pamaye Alhou ghokulu lono alokivi shi ache.



24

Kughou Alhou no thwokha kuchopu pulho sutsu keno

Alhou launo ighi keu kughakiche Tsah, Baibel

hile no phulu nani

Bothubo 1-2

"Otsah/Okukutsu tsah iloghi keu lono akuvu tsu cheni." Leshele 119:130

Alhouye ninguno akumla lhokusa shikeu kuchopu ithi ani, eno pano tipaqo pesu axine ipi kucheni. Axine jume ye akithi.

Alhouno ningu kimiyekutuke ghenguno Panu Jisu puwu puzuno nixine ghenguno Kross lono aghashi thive pe. Jisu ye xuchile ithuve eno Kungughalo ikuve! Itehiye Alhou no ni xineqo qhive tsu nani.

Nono oxine lono xaideghini shi aye, Alhou vilo ishi pilo: Alhou, ino pulu ani Jisu ye ixine ghenguno thive eno xuichile thuva. Oshikimithi ilolo iloghitsulo eno ixineqo qhivetsulo, tishianguo niye itehi akuxu kithe ithulu nani, eno lhokuta kuxu ogholo auve nani. Onu/onga toi xukulupu shi ikuphu tsulo. Amen. John 3:16

Baibel philo eno pulhapuju Alhou sasu kuputsa lo.